

高淳縣志卷一

沿革

一代之興必有因革豈獨禮樂制度哉卽如幅幘分合州邑改移蓋與運推遷而度地制宜之道存焉淳因鎮爲縣雖創邑未久隸屬猶舊而從前沿革之故歷歷可稽故原本舊志參以史書俾考古者按其方域得以備悉原委志沿革

唐虞夏商周屬揚州春秋時吳築固城爲瀨渚邑景王五年吳移瀨渚於陵平山名陵平十六年楚取陵平更名平陵敬王十四年屬吳元王三年屬越顯王三十七年復屬楚

秦始皇二十五年定鄣郡始置溧陽縣屬之

漢武帝元封二年改鄣郡爲丹陽郡設揚州刺史統之領縣十七溧陽其一也建武六年移丹陽郡治宛陵統十六城以李忠爲

高淳縣志

卷一

沿革

一

太守溧陽丹陽隸焉獻帝興平二年孫策據江東策卒弟權代於建安十七年城金陵溧陽仍屬丹陽郡後主景耀三年庚辰吳王孫休作浦里塘開丹陽湖田

晉初屬丹陽郡惠帝永興元年析永世置平陵俱屬義興郡尋還丹陽懷帝永嘉四年琅琊王睿割永世平陵等縣置義興郡以旌周玘陳敏之功宋齊梁陳俱屬丹陽郡

隋高祖開皇九年廢丹陽郡置蔣州十一年析溧陽及丹陽故地改置溧水縣屬蔣州十八年併溧陽入溧水煬帝大業四年屬丹陽郡尋復以蔣州置丹陽郡

唐高祖武德三年置揚州隸東南道廢蔣州七年復蔣州溧水仍隸焉八年又移揚州於宣州溧水改隸宣州太宗以東道爲江南道宣州隸焉元宗改爲江南東道置宣城郡溧水隸焉肅宗

至德二載屬江甯郡乾元元年屬昇州上元二年廢昇州改隸宣州大順元年復昇州溧水隸之吳宣王楊隆演武義二年庚辰改昇州爲金陵府溧水仍隸焉天祚三年南唐徐知誥建國金陵以金陵爲西都旋改爲江甯府溧水仍隸焉

宋太祖開寶八年復昇州領縣五溧水與焉眞宗天禧二年屬江甯府高宗建炎三年屬建康府端宗景炎二年屬元建康路元成宗元貞元年改溧水縣爲州仍隸建康路明帝天曆二年改溧水溧陽爲州屬集慶路順帝至正十五年六月明太祖命徐達取溧水州八月取溧陽州

明太祖洪武元年改集慶路爲應天府二年改溧水州爲縣孝宗宏治四年析置高淳縣屬應天府高淳鎮在溧水西南一百二十里府丞冀綺以地曠難制奏割宗教立信永豐永成遊山唐

高淳縣志

卷一

沿革

二

昌安興七鄉共七十二里爲縣後因廢閘築壩滄沒民田虛糧賠累人戶原額大減遂併爲四十一里今改爲四十五區初擬溧化欽定高淳

國朝世祖順治二年五月江南底定改應天府爲江甯府屬縣仍舊

論曰自秦廢封建設郡縣參錯而犬牙之轄以代更所析愈細而變易愈多溧於溧爲隸其轄屬與溧爲一無庸具論就溧言之銀林爲吳楚必爭地伍員伐楚開渠通運名曰胥河蓋旣取其道而遂更以名豈不甚盛烈哉已還屬楚尋又屬越瞬息間紛紛不一奚論自秦以降耶抑又聞永成鄉舊隸宣州明祖定鼎金陵溧爲王畿地乃割宣之一隅隸溧以正方域雖史缺有間當亦理之至近無足疑者泥古之士必謂一成不變何其誣也

嗟乎自春秋來固城五堰爲用兵地民苦戰爭何代無之迨爲江甯屬邑百年以還兵革不事版圖無改蓋國家之治平久矣然不觀古今之變又誰爲歛歔憑眺悲喜交集哉

雖受虛驚依然無恙不可謂非一鄉一邑之幸也然不觀古今之變又誰爲歛歔憑弔悲喜交集於其間哉